

資治通鑑

資治通鑑卷第二百二

端明殿學士兼翰林侍讀學士太中大夫提舉西京高山崇福宮上柱國河
內郡開國公食邑二千二百戶食實封玖伯戶賜紫金魚袋臣司馬光 奉
勅編集

後學天台胡三省音註

唐紀十八 起重光協洽盡重光大荒落凡十一年

高宗天皇大聖大引孝皇帝中之下

咸亨二年春正月甲子上幸東都 考異曰舊本紀及太子引傳正月

乙巳幸東都留太子引於京師監國明年十月己未又云皇太子監國新本紀唐歷統紀皆連歲言太子監國按離長安時已留太子監國及自東都將還豈得又令監國按實錄此月無監國事唯明年十月有

之今從之夏四月甲申以西突厥阿史那都支為左驍

衛大將軍兼匭延都督顯慶二年平賀魯以處木昆部為匭延都督府厥九勿翻

驍堅堯翻匭蒲比翻以安集五咄陸之眾咄當初武元慶等

既死乾封元年皇后奏以其姊子賀蘭敏之為士驍

之嗣襲爵周公改姓武氏累遷引文館學士左

散騎常侍太宗在藩於秦府置文學館學士其後引文崇文二館皆有學士散悉宣翻騎奇寄

翻魏國夫人之死也亦見乾封元年上見敏之悲泣曰鄉吾

出視朝猶無恙退朝已不救何蒼猝如此朝直敏之

號哭不對后聞之曰此兒疑我由是惡之敏之貌美

蒸於太原王妃及居妃喪釋衰經奏妓號戶高翻惡烏路翻衰舍

回翻妓司衛少卿楊思儉女有殊色上及后自選以

爲太子妃昏有日矣敏之逼而淫之后於是表言敏

之前後罪惡請加竄逐六月丙子敕流雷州復其本

姓至韶州以馬韁絞死雷州漢徐聞縣地梁置南合

業廢州唐武德五年復置貞觀八年改曰雷州韶州

漢南野縣地吳孫皓甘露元年分立始興郡唐武德

初置番州貞觀元年改韶州舊志雷州至京師六千

五百四十七里至東都五千八百三十六里韶州至

京師四千九百三十二里至東都朝士坐與敏之交

四千一百四十二里韁居良翻

遊流嶺南者甚衆朝直遙翻秋七月乙未朔高侃破高

麗餘衆於安市城麗力知翻九月丙申潞州刺史徐王

元禮薨冬十一月甲午朔日有食之車駕自東

都幸許汝十二月癸酉校獵於葉縣舊志東都至許

州百八十里葉縣舊屬南陽郡後并省後齊置襄州後周廢州置南襄城郡隋廢郡為葉縣屬許州葉式

涉翻丙戌還東都

三年春正月辛丑以太子左衛副率梁積壽為姚州

道行軍摠管太子十率府各有副將兵討叛蠻將即

庚戌昆明蠻十四姓二萬三千戶內附置殷敦總

三州蠻蠻西有昆明蠻一曰昆彌蠻以西洱河為境

摠州居西南數州居南遠二月庚午徙吐谷渾於

鄯州浩疊水南漢書地理志浩疊水東至允吾入湟

河出允吾西北塞外東逕浩疊縣故城南又東流注于湟水俗呼為閤門河吐從瞰入聲谷音浴鄯時戰

翻浩音誥

吐谷渾畏吐蕃之彊不安其居又鄯州地

狹尋徙靈州以其部落置安樂州

時以靈州鳴沙縣地置安樂州樂音

洛以可汗諾曷鉢為刺史

可從刊入聲汗音寒

吐谷渾故地皆

入於吐蕃

已卯侍中永安郡公姜恪薨

夏四月

庚午上幸含璧宮

吐蕃遣其大臣仲琮入貢上問

以吐蕃風俗對曰吐蕃地薄氣寒風俗朴魯然法令

嚴整上下一心議事常自下而起因人所利而行之

斯所以能持久也上詰以吞滅吐谷渾

見上卷龍朔三年詰去吉

翻

敗薛仁貴

見上卷咸亨元年敗補邁翻

寇逼涼州事

吐蕃既滅吐谷渾又

破西域則寇

對曰臣受命貢獻而已軍旅之事非所

聞也上厚賜而遣之癸未遣都水使者黃仁素使于

吐蕃

使疏吏翻

秋八月壬午特進高陽郡公許敬宗卒

卒子恤翻

太常博士袁思古議敬宗弃長子於荒徼

徼吉弔翻

嫁少女於夷貊

少詩沼翻貊莫白翻

案謚法名與實爽曰繆請

謚爲繆

繆靡幼翻

敬宗孫太子舍人彥伯訟思古與許氏

有怨請改謚太常博士王福時議

時音止

以爲得失一

朝榮辱千載

太常博士擬謚皆跡其功行爲之褒貶大行大名之小行小名之載子亥翻

若嫌隙有實當據法推繩如其不然義不可奪戶部

尚書戴至德謂福時曰高陽公任遇如是何以謚之

爲繆對曰昔晉司空何曾旣忠且孝徒以日食萬錢

秦秀謚之爲繆

見八十卷晉武帝咸寧四年

許敬宗忠孝不逮於

曾而飲食男女之累過之

累力瑞翻

謚之曰謬無負許氏

矣詔集五品已上更議禮部尚書陽思敬議按謚法

既過能改曰恭請謚曰恭詔從之敬宗嘗奏流其子

昂于嶺南又以女嫁蠻酋馮盜之子多納其貨

酋慈由翻

故思古議及之福時勃之父也

王勃見二百卷龍朔元年

九月

癸卯徙沛王賢爲雍王

雍於用翻

冬十月己未詔太子

監國

監古街翻

壬戌車駕發東都

十一月戊子朔日

有食之

甲辰車駕至京師

十二月高侃與高麗

餘衆戰于白水山破之新羅遣兵救高麗侃擊破之

癸卯以左庶子劉仁軌同中書門下三品太子

罕接宮臣典膳丞全椒邢文偉輒減所供膳東宮典膳局郎

正六品上丞正八品上掌進膳嘗食全椒縣時屬滁州并上書諫太子太子復

書謝以多疾及入侍少暇嘉納其意上時頃之右史

缺上曰邢文偉事吾子能撤膳進諫此直士也擢為

右史起居舍人從六品上屬中書省掌修記言之史錄天子之制誥德音如記言之制以紀時政之

損益季終則授之於太子因宴集命宮臣擲倒唐散

舞盤伎舞輪伎長躡伎跳鈴伎擲倒次至左奉裕率

王及善隋置太子內率府掾上臺千牛衛掌東宮千牛備身侍奉之事龍朔改為左右奉裕率率

所律及善曰擲倒自有伶官伶廬臣若奉令恐非所

翻

經翻

以羽翼殿下也太子謝之上聞之賜及善練百匹尋

遷左千牛衛將軍

千牛刀即人主防身刀也取莊子庖丁解數千牛而芒刃不頓之義

後魏有千牛備身府唐改千牛府隋煬帝置備身府

四年春正月丙辰絳州刺史鄭惠王元懿薨三月

丙申詔劉仁軌等改修國史以許敬宗等所記多不

實故也

夏四月丙子車駕幸九成宮

閏五月燕

山道揔管右領軍大將軍李謹行大破高麗叛者於

瓠蘆河之西

胡嶠曰黑車子之北有牛蹄突厥人身牛足其地尤寒水曰瓠蘆河夏秋水厚

二尺秋冬冰徹底常燒器銷冰乃得飲余按唐書劉仁軌傳此瓠蘆河當在高麗南界新羅七重城之北

燕因肩俘獲數千人餘衆皆奔新羅時謹行妻劉氏

留伐奴城高麗引靺鞨攻之劉氏擐甲帥眾守城久

之虜退音靺鞨音末曷擐上嘉其功封燕國夫人謹行

靺鞨人突地稽之子也突地稽見一百八十九卷高祖武德四年武力絕

人為眾夷所憚 秋七月婺州大水溺死者五千人

婺亡遇翻溺奴狄翻八月辛丑上以瘡疾令太子於延福殿

受諸司啓事瘡進約翻冬十月壬午中書令閻立本薨

乙巳車駕還京師 十二月丙午弓月疎勒二王

來降降戶江翻西突厥興昔亡可汗之世諸部離散弓

月及阿悉吉皆叛阿悉吉即阿悉結弩失畢五侯斤之一也蘇定方之西

討也見二百卷擒阿悉吉以歸弓月南結吐蕃北招

咽麪

海咽亦鐵勒種居得嶺

共攻疎勒降之上遣鴻

臚卿蕭嗣業發兵討之

嗣業兵未至弓月懼與疎勒

皆入朝上赦其罪遣歸國

臚陵如翻朝直遥翻

上元元年

是年八月方改元

春正月壬午以左庶子同中書

門下三品劉仁軌為雞林道大總管

帝以新羅國為雞林州衛

尉卿李弼右領軍大將軍李謹行副之發兵討新羅

時新羅王法敏既納高麗叛眾又據百濟故地使人

守之上大怒詔削法敏官爵其弟右驍衛負外大將

軍臨海郡公仁問在京師

驍堅堯翻

立以為新羅王使歸

國三月辛亥朔日有食之

賀蘭敏之既得罪皇

后奏召武元爽之子承嗣於嶺南乾封元年元爽流振州襲爵

周公拜尚衣奉御尚衣奉御屬殿中省掌衣服詳其制度辯其名數夏四月

辛卯遷宗正卿 秋八月壬辰追尊宣簡公為宣皇

帝妣張氏為宣莊皇后懿王為光皇帝妣賈氏為光

懿皇后後魏金門鎮將熙太祖虎之祖也謚宣簡太公魏幢主天賜太祖虎之父也謚懿王

武皇帝為神堯皇帝太穆皇后為太穆神皇后文皇

帝為太宗文武聖皇帝文德皇后為文德聖皇后皇

帝稱天皇皇后稱天后以避先帝先后之稱實欲自尊而以

避先帝先后之稱為言武后之意也之稱尺證翻改元赦天下 戊戌敕文

武官三品以上服紫金玉帶四品服深緋金帶五品

服淺緋金帶六品服深綠七品服淺綠並銀帶八品

服深青九品服淺青並鍮石帶鍮石似金而非金鍮託侯翻庶人服

黃銅鐵帶自非庶人不聽服黃非庶人謂工商雜戶九月癸

丑詔追復長孫晟長孫无忌官爵以无忌曾孫翼襲

爵趙公聽无忌喪歸陪葬昭陵无忌削官爵而死見二百卷顯慶四年

甲寅上御翔鸞閣據舊書却處後傳翔鸞閣在含元殿東唐六典含元殿翼以二

閣左曰翔鸞右曰棲鳳觀大酺酺薄胡翻分音樂為東西

朋使雍王賢主東朋周王顯主西朋角勝為樂郝處

俊諫曰二王春秋尚少志趣未定當推黎讓棗梁元帝遺

武陵王書有是言樂音相親如一今分二朋遞相誇洛少詩沼翻推吐雷翻

競俳優小人言辭無度恐其交爭勝負譏誚失禮非

所以崇禮義勸敦睦也上瞿然曰謂才笑翻瞿九卿

遠識非衆人所及也遽止之是日衛尉卿李弼暴卒

于宴所爲之廢酺一日爲于偽翻冬十一月丙午朔車

駕發京師已酉校獵華山之曲武原華山在華州華陰縣南曲武原

在華山下戊辰至東都箕州錄事參軍張君澈等

誣告刺史蔣王惲及其子汝南郡王煒謀反惲於粉

翻敕通事舍人薛思貞馳傳往按之傳張十二月癸

未惲惶懼自縊死縊於上知其非罪深痛惜之斬君

澈等四人戊子于闐王伏闕雄來朝闐徒賢翻閭視遮翻朝直

遙翻下同

辛卯波斯王卑路斯來朝

壬寅天后上表

以爲國家聖緒出自亥元皇帝

老子姓李名耳唐祖之乾封元年尊爲少

元皇帝上時掌翻下同

請令王公以下皆習老子每歲明經準

孝經論語策試又請自今父在爲母服齊衰三年

古

父在爲母服齊衰倉回翻

又京官八品以上宜量加俸

京官在京官

及其餘便宜合十二條詔書褒美皆

行之

是歲有劉曉者上疏論選

選須綰翻下同考異曰會要作劉

曉今從統紀

以爲今選曹以檢勘爲公道

功檢勘者謂考其

承僞隱

書判爲得人殊不知考其德行才能況書判

借人者衆矣又禮部取士專用文章爲甲乙故天下

之士皆捨德行而趨文藝有朝登甲科而夕陷刑辟

者雖日誦萬言何關理體

理體即治道行下孟翻趨七喻翻下同辟毗亦翻

文成七步未足化人况盡心卉木之間極筆煙霞之

際以斯成俗豈非大謬夫人之慕名如水趨下上有

所好下必甚焉陛下若取士以德行為先文藝為末

則多士雷奔四方風動矣

趨七喻翻好呼到翻下憐好同

二年春正月丙寅以于闐國為毗沙都督府分其境

內為十州以于闐王尉遲伏閣雄為毗沙都督

闐徒賢翻

又徒見翻尉紆勿翻閣視遮翻

辛未吐蕃遣其大臣論吐渾彌來

請和且請與吐谷渾復修鄰好

吐從敝入声下同上復扶又翻谷音浴